

● 帝京景物略

中國風土志叢刊

- ◇ 郡縣沿革
- ◇ 山川改易
- ◇ 古迹存亡
- ◇ 風俗演變
- ◇ 氣候變遷
- ◇ 鄙事俚語
- ◇ 人情掌故
- ◇ 城坊舊聞

廣
雅
書
社

卷
一

明·劉 侗 于奕正撰

帝京景物略

《帝京景物略》

《帝京景物略》八卷，明劉侗、于奕正撰。明崇禎八年（1635）刻本。

劉侗（約1594～約1637）字同人，號格庵，湖北麻城人。崇禎甲戌進士，授吳縣知縣。于奕正，初名繼魯，字司直，宛平（今北京）人。明末諸生。奕正訪察資料，劉氏屬文，於崇禎八年成書。體例以京師東西南北，各分城內城外，而西山及畿輔并載。書分城北、城東、城南、西城、西山、畿輔名迹等八篇，凡一百二十九條。詳記北京城內、城郊風土景物。每篇之末附以詩歌、雜咏、碑刻。內容涉及園林寺觀、名勝古迹、山川橋堤、人物故事、風習節令等。對明代北京地區寺觀、庵祠、陵墓、園囿、名勝、古迹等記載甚詳。文筆簡潔、描繪細膩，可讀性強。書前有崇禎八年方逢年叙。劉侗自叙。

畧例

宛平于奕正述

至尊內苑。非外臣見聞傳聞所得梗槩。四壇諸陵。臣庶瞻望焉。罔敢至止。今畧所記帝京景物。厥惟游趾攸經。坐譚攸析者。蒼莽朝曛攸至也。近百里而瞻言之。豐碑孤塚攸存也。遠千年而憑吊之。粵有僻剝荒荒家園瓊瑣游莫至。至莫傳矣。畧之。長安都秦稱也。都燕非所稱也。戰國曰燕。金曰燕京。元曰大都。我明而襲古稱。奚可哉。我明曰順天。迄八府而一稱之曰北京。對南京而二稱之。今約畧古甸服內也。稱曰帝京。紀載有體爾。艸則有疏。射則有策。今帝京名篇而所記山水園林剝

SW7963/06

字也。若指畫經濟。娓娓不休。謂其言有倫。予編中如大學之典則。首善書院之講學。三忠祠之運漕。盧溝橋之河道。稽山館之沿習。偶譚及之。周志欣慨。蓋不盡不詳焉。翼順天府志而傳者。燕史。戚伯堅宛署雜記。沈榜長安客話。蔣仲舒長安可游記。宋啓明等或雜失倫。或譌。或漏。或漫。或俚。茲編人徵其始末。事核其有無。博採約修。一新舊觀。疑乃傳疑。信乃傳信。必也。成書有據。碑版今存。雖故老稱說。尙慙置焉。况乎東野齊諸。敢爲怪郵哉。然而多僻多異。其鍾孕洋溢弘遠矣。地從石晉割後。不隸中土。六百餘年。而遼金元遞都之。故奇蹟異聞。事多三史編中。爲叢舊事。不盡刪削。退夷進夏。

深用撫然。山之名。水之名。寺院家園之名。書土人所習呼。便游者詢問也。城九門有賜名。而土人或仍舊呼。則非王制。今悉遵門額。不曰海岱順城。惟述金元時語。則仍其稱。西山巨剎。創者半中璫。金碧鱗鱗。區過六百。編所列梵宮。間存創者姓氏。志濫也。晏公一祠。學聖尊儒。大書特書之。書紀帝京。廟號祖諱。森然維列。故先輩鉅公。或稱名而冠以官。或稱名而冠以籍。僧道隱逸。名不可稽也。俗稱之。昔稱古人碑碣。山川眉目。茲地漢唐宋碑。存者一二。餘所駢列。遽金元物也。文字荒蕪。僅志歲月。但存碑目。不錄原文。存一元碑。夷語可嫻故。是編著作。在敘記間。篇有幅。幅有翼。首尾或體致。

弗合。則亦捨棄舊聞。如報國寺。述遊所屬目。以成其篇。而他碑記。卽不可闕入。按記。英宗周后弟吉祥。幼祝髮。晝遊市陌。夜宿報國寺伽藍殿中。英宗忽夜夢伽藍神來告。后弟今在某所。后夢亦同。卽日求得之。然吉祥願爲僧。不可強。廼改報國寺曰大慈仁寺。今西之伽藍殿。夢所告處也。編所主者。地也。如漢前將軍王泉解池。著異甚衆。而述止北征一事。事在燕市也。他若文山鄱湖之助戰。忠肅武林之兆夢。事不在燕。一無旁及。閭里習俗。風氣關之。謠俚事蹟。必備必詳。蓋今昔殊異。日漸淳澆。采風者深思焉。表坊附以歲時。弘仁橋附以酬香。高粱橋附以熙遊。胡家柵附以蟲嬉。名公游紀。爲

光山澤要其命筆則一日偶然之京對歲月先後致人殊雖甚鴻篇不仍不載。關廟狄祠等不錄本傳以國史炳然無煩具述他惟事隱軼論淆訛者務表章而辯白之。園林寺院有名稱著而駢列以地如淨業寺蓮花庵之附水關李園米園之附海淀者有名稱隱而特標著之如水關之太師園臥佛之水盡頭者有昔著今廢猶爲指稱焉如高梁橋之極樂寺玉泉山之功德寺者。梵宇亟稱十刹海也園館亟稱太師園也山林藪澤亟稱滴水巖雲水洞也人工崇飾非所貴。奕正燕人也。好遊而遊詳于燕。劉子楚客也好遊而燕中遊者五年。是編奕正撫事疑者罔證信者罔遺。劉子屬辭。

怪匪闕空。夸匪溢實。成斯編也。良苦。景一未詳。裴糧宿春。事一未詳。發篋細括。語一未詳。逢襟提問。字一未詳。動色執爭。歷春徂冬。銖銖緬緬而帙成。山川記止夷陵。刹宇記止衰盛。令節記止嬉遊。園林記止木石。此事屬辭。不置一褒。不置一譏。習其讀者。不必其知之。言外得之。志山水古歟。得水經注焉。志梵刹古歟。得維陽伽藍記焉。志熙游古歟。得武林舊事焉。楊周懷音瞻道。其苦也易工。酈子輪周方域。其博也易與。是編盛明拜手之屬言。畿郊千里之觀聽也。枯苑致異。廣狹量殊。難矣難矣。且其布體隙辭。不更躡向人一步。周二京漢兩都。非其盛也。我朝兩京峙建。方初方盛。荷歟勝矣。

帝京編成。適與劉子薄遊白下。朝遊夕述。不揆固陋。將續著南京景物畧。已屬艸矣。博物吾友。尙其助予。景物而追昔遊。徵後至。則附以詩。編所得詩。五千有奇。本集十有七。碑刻十有一。鈔傳十有五。秘笈十有二。奕正與劉子。未暇選定。以屬周子損。逸四千篇。存千篇有奇。其徵詩未至者。缺之。前記志者。陳詩不備。采詩無擇焉。天寧寺之在中州。朝天宮之在金陵。秘魔巖之在五臺。文山祠之在江右。忠肅祠之在武林。景異物殊。悉從刪汰。詩因時以次。例也。有因地者。先海淀而李園而米園。先甕山而耶律墓而圓靜寺。三忠祠。先祠而通惠河。報國寺。先松而像而閣。各有類凡。取便閱者。燕土

著。無論已。流寓遠者數世。客久者數十年。讀斯編也。耳目一驚。未也。吾耳及矣。趾未及。吾闕焉。趾及而事理疑。吾闕焉。若夫非吾闕之。而選勝選事。寡聞又多矣。以語周子。周子曰。未也。先輩之題其地也。匪石不傳也。其集也。匪木不傳也。傳矣。而吾目周之。十有二耳。以語劉子。劉子曰。吾續之。吾續之。吾惡知後且續者之不倍今茲乎。

敘

燕不可無書而難爲書本朝之制敦尚節儉非有漢唐
宮室之廣麗別館離苑跨山彌谷以數百千計也非有
原廟之幸汾陰之祠閣道周流長途中宿若九成華清
之避暑也非有長楊較獵周陸禽獸昆明曲江之水嬉
也地可墾闢九達之外以瞻農萃昨隸其可覽觀則擊
壤之叟祝釐之倫相與夷嶠而堙谷列植招提靈園仙
臺遠近落離于是都人士遊焉觴焉咏焉曰燕難爲書
燕不可無書也陳留之志風俗也襄陽之志耆舊也會
稽之志典錄也岳陽之志風土也雒中之志伽藍也華
陽之志人物也志焉爾余門人劉生侗之志燕異是其

言文其旨隱其取類廣以僻其篇幅無苟畔其刻畫也
景若里之新豐雞犬可識也物若偃師之偶歌舞調笑
人可與娛可與怒也粵古作者未有是矣爰有于子奕
正采厥事周子損采厥詩以佐劉生之筆華墨瀋蓋周
諮于燕者五年著于秣陵者經年而成書曰帝京景物
畧劉生以質于余而後乃行之余得讀是書綦詳矣畧
言之者何以余所聞于燕醫無閭之山昭余祈之數崆
峒之上廣成子之石室存焉西山之大小翮王次仲之
所落其翼也息壤之涌金馬門張世傑之生范陽村謝
枋得之餓憫忠寺興會所不至斯不及焉曰畧也諒哉
崇禎八年冬至月遂安方逢年撰

敘

都應垣也燕之應極垣有三焉極一而已矣日東出躔
十有二極北屈指十有二以柄天下之魁杓天險設於
坎地勢厚於坤皇建而人民會歸於極有進矣帝北宅
南嚮威夷福夏玉食航焉蓋用西北之勁制東南之饒
亦用東南之饒制西北之勁饒勁各馭勢長在我若欲
饒其所勁勁其所饒則不識先皇之遠算矣又進矣燕
雲割而中華蹙嶺可界也界之河可界也界之江可界
也界之豈無遠猷川遼阻修科墮從枝弓撓於鯨爾中
宅天下不若虎眦天下虎眦天下不若挈天下爲瓶而
身抵其口雖不如關關不如薊守雖以天下守關以關

劉叙一

守天下必以薊文皇帝得天子自守邊之畧於厥初封都燕陵燕前萬世未破斯荒後萬世無窮斯利捶勒丸邊橐篋四海豈偶哉三百年來率土臣民罔不輻輳紅塵白日無有聞人目指所及風高沙飛土剛水鹵幽巖勝蹟非所經心輒有小警而懷都意輕矣夫都燕天人所合發也陰陽異特睠顧維宅吾知之以天流泉廳原士烝民止吾知之以人此帝京景物畧所爲著也攷中原之山勢江北主江南賓古聖先王篤生必於江北江北之山歸結泗鳳蒂從山後奧區莫過之本同末異者山也本異末同者水也天下之水東趨滄海滄海所涯號稱天津故山水之攸結莫并我帝京者也於焉神人

萃物爽馮成周鼓文漢代瑞像脰翼謂何氣先符應他
若潭雲塔影龍螺洞光木石幻氣精熙游盛今古雖留
更僕未可悉數已侗北學而燕游者五年侗之友于奕
正燕人也二十年燕山水間各不敢私所見聞彰厥高
深用告同軌奕正職蒐討侗職摘辭事有不典不經侗
不敢筆辭有不達奕正未嘗輒許也所未經過者分往
而必實之出門各嚮歸相報也所采古今詩歌以雅以
南以頌舍是無取焉侗之友周損職之三人揮汗屬艸
研冰而成書其卷八其目百三十有奇崇禎八年乙亥
冬至後二日麻城劉侗撰

